

長沙藥解

一

長沙藥解目錄

卷一

甘草 十二方

白朮 四方

人參 一方

大棗 一方

膠飴 三方

粳米 一方

薏苡 二方

小麥 一方

大麥

神麴

吳茱萸 三方

蜀椒 椒目

乾薑 五方

生薑 二方

半夏 十一方

代赭石

厚朴 六方

枳實 四方

梔子 七方

香豉

瓜蒂 二方

蜀漆 一方

藜蘆

升麻 二方

葛根 三方

赤石脂 二方

禹餘糧

鷄子黃

麻仁 一方

白蜜 一方

大黃 十五方

巴豆

共九十四方

卷二

當歸 五方

阿膠 二方

地黃 一方

芍藥 四方

防風

柴胡 二方

黃芩 二方

黃柏 柏皮

白頭翁 一方

秦皮

白蘂

豆黃卷

苦參 一方

梓白皮

李根皮 一方

狼牙 一方

猪膽汁 三方

烏梅 一方

棗仁 一方

山茱萸

艾葉

竈中黃土 二方

新絳

馬通

王不留行 一方

桂枝 十方

羊肉

黃酒

苦酒 一方

川芎

牡丹皮

桃仁 一方

土瓜根 一方 蒟蒻

乾漆

紅藍花 一方

敗醬 紫葳

蠱虫

蜣螂

鱉甲 一方 蜂窠

蝨虫

水蛭

鼠婦 蜘蛛 一方

雄黃 一方

鉛丹

蟻螬 鉛粉

共四十四方

卷三

黃耆 三方 薯蕷 一方

五味子

訶黎勒 一方

白前 細辛

射干 一方

紫苑

欬冬花 杏仁 二方

薤白

桔梗 四方

橘皮 三方

皂莢

白酒

葱白 一方

麻黃 十萬

蘇葉

苦蘘根 三方

苦蘘實 三方

麥冬 一方

天冬

竹葉 二方

竹茹 一方

萎蕤

百合 六方

貝母

白薇

紫參 一方

柏葉 一方

栢實

鷄子白

猪膚 一方

瓜子

知母

石膏 二方

桑根白皮

旋覆花 二方

共四十九方

卷四

挾苓 九方

猪苓 二方

澤瀉 一方

葵子 一方

瞿麥

蒲灰 一方

通草

石韋

茵陳蒿

二方 連翹 一方

澤漆 一方

赤小豆 一方

防己

四方

海藻

商陸根

葶藶

一方

芫花

甘遂

一方

大戟

滑石

二方

戎鹽

一方

硝石

一方

芒硝

二方

赤硝

礬石

二方

雲母

白魚

文蛤

二方

鷄屎白

二方

猪膏

一方

人髮

人尿

視襠灰

一方

黃連

三方

硃砂

一方

牡蠣

一方

龍骨

四方

附子

四方

烏頭

四方

蛇床子

一方

共五十五方

凡藥一百六十一方二百四十二

長沙藥解卷一

昌邑黃星緝神載著

甘草 味甘氣平性緩入足太陰脾足陽明胃經 備沖和之

正味秉淳厚之良資入金木兩家之界歸水火二氣之間培植

中州養育四旁交媾精神之妙藥調劑氣血之靈丹傷寒炙甘

草湯

甘草四兩桂枝三兩生薑三兩大棗十二枚人參二兩生地一斤阿膠二兩麻仁半升麥冬半升清酒七升水八升

煮三升去渣入阿膠消化溫服一升日三服一名復脈湯

治少陽傷寒脈結代心動悸者以

少陽甲木化氣於相火其經門頭走足循胃口而下兩脇病則

經氣上逆衝逼戊土胃口填塞硤厥陰風木升達之路木鬱風

作是以心下悸動其動在胃之大絡虛里之分正當心下經絡

壅塞營血不得暢流相火升炎經絡漸而燥瀼是以經脈結代
相火上燔必刑辛金甲木上鬱必剋戊土土金俱負則病轉陽
明而中氣傷矣甲木之升緣胃氣之逆胃土之逆緣中氣之虛
參甘大棗益胃氣而補脾精膠地麻仁滋經脈而澤枯槁薑桂
行營血之瘀瀼麥冬清肺家之燥熱也甘草瀉心湯

甘草四兩
大棗十二

半夏半升黃連一兩
黃芩三兩乾薑三兩

治太陽傷寒中風下後心下痞鞭乾嘔心

煩穀不化腹中雷鳴下利者以下後中氣虛寒水穀不消土木

皆鬱升降倒行脾陷而賊於土木則腹中雷鳴而下利胃逆而

賊於甲木則心下痞鞭而乾嘔君相火炎宮城不清是以心煩

甘薑大棗溫補中氣之虛寒芩連清泄上焦之煩熱半夏降胃

逆而止乾嘔也四逆湯

甘草二兩乾薑一兩半附子生一枚

治太陰傷寒脈沉腹

脹自利不渴者以寒水侮土肝脾俱陷土被木賊是以腹脹下

利附子溫補其腎水薑甘溫補其脾土也脾主四肢脾土濕寒

不能溫養四肢則手足厥冷四肢溫暖爲順厥冷爲逆方以甘

草而君薑附所以溫中而回四肢之逆故以四逆名焉治少陰

病膈上有寒飲乾嘔者以其腎水上凌火土俱敗寒飲泛溢胃

逆作嘔薑甘附子溫補水土而驅寒飲也治厥陰病汗出外熱

裏寒厥冷下利腹內拘急四肢疼者以寒水侮土木鬱賊脾微

陽不歸表裏疏泄薑甘附子溫補水土以回陽氣也通脈四逆

湯

甘草乾薑各三兩生附子一枚

治少陰病下利清穀手足厥逆脈微欲絕者

以寒水侮土木鬱賊脾是以下利脾陽頽敗四肢失溫是以厥
逆經氣虛微是以脈微欲絕薑甘附子溫補裏氣而益四肢之
陽也治厥陰病下利清穀裏寒外熱汗出而厥者以水土寒濕
木鬱賊脾微陽不斂表裏疏泄薑甘附子溫暖水土以達木鬱
也四逆散甘草枳實柴胡芍藥等分爲末飲服方寸匕治少陰病四逆散以水寒木

枯鬱生風燥侵剋脾土中氣痞塞不能四達柴芍清其風木甘
草補其中氣枳實泄其痞滿也甘藷乾薑湯甘草四兩乾薑二兩治傷寒

汗後煩躁吐逆手足厥冷者以桂枝火泄土敗四肢失養微陽

離根胃氣升逆甘草乾薑補其體中以回升逆之陽也金匱甘

草附子湯甘草二兩附子半兩白朮二兩茯苓二兩治風濕相搏骨節疼煩汗出短

氣小便不利惡風不欲去衣或身微腫者以水寒土濕木鬱不能行水濕阻關節經絡不通是以痛腫濕蒸汗泄衛陽不固故

惡風寒尤甘補土燥濕桂枝疏木通經附子溫其水寒也甘草

麻黃湯

甘草二兩
麻黃四兩

治裏水一身面目黃腫小便不利者以土濕

不能行水皮毛外閉洩尿下阻濕無去路淫蒸肌膚而發黃腫

甘草補其土麻黃開皮毛而泄水濕也傷寒調胃承氣湯

甘草二兩

大黃三兩
芒硝半斤

治太陽傷寒三日發汗不解蒸蒸發熱屬陽明者以

寒閉皮毛經鬱發熱汗出熱泄病當自解發汗不解蒸蒸發熱

者此胃陽素盛府熱內作將來陽明之大承氣證也方其蒸蒸

發熱之時早以甘草保其中硝黃洩其熱胃氣調和則異日之

府證不成也金匱白頭翁加甘草阿膠湯

白頭翁黃連黃柏秦皮各三兩甘草阿膠

各二兩

治產後下利虛極者以產後亡血木燥賊傷脾土而病下

利白頭翁以清其濕熱甘草補其脾土阿膠潤其風木也傷寒

甘草湯

生甘草二兩

治少陰病二三日咽痛者少陰水旺二火俱騰

上行清道是以咽痛生甘草泄熱而消腫也甘草粉蜜湯

甘草二兩

錦粉一兩蜜四兩水三升煮甘草取二升人粉蜜煎如薄粥

治虵蟲爲病吐涎心痛發作有

時者以土弱氣滯木鬱蟲化甘草補土白粉殺蟲蜂蜜潤燥而

清風滑腸而下積也人之初生先結祖氣兩儀不分四象未

兆混沌莫名是曰先天祖氣運動左旋而化已土右轉而化戊

土脾胃生焉已土東升則化乙木南升則化丁火戊土西降則

化辛金北降則化癸水於是四象全而五行備木溫火熱水寒
金涼四象之氣也木青金白水黑火赤四象之色也木臊水腐
金腥火焦四象之臭也木酸金辛火苦水鹹四象之味也土得
四氣之中四色之正四臭之和四味之平甘草氣色臭味中正
和平有土德焉故走中宮而人脾胃脾土溫升而化肝木肝主
藏血而脾爲生血之本胃土清降而化肺金肺主藏氣而胃爲
化氣之源氣血分宮胥秉土氣甘草體具五德輔以血藥則左
行已土而入肝木佐以氣藥則右行戊土而入肺金肝血溫升
則化神氣肺金清降則化精血脾胃者精神氣血之中皇凡調
劑氣血交媾精神非脾胃不能非甘草不可也肝脾之病善於

下陷入肝脾者宜佐以升達之味肺胃之病善於上逆入肺胃者宜輔以降歛之品嘔吐者肺胃之上逆也滯氣不能上宣則痞悶於心胸泄利者肝脾之下陷也滯氣不得下達則脹滿於腹脇悉緣於中氣之虛也上逆者養中補土益以達鬱而升陷則嘔吐與脹滿之家未始不宜甘草前人中滿與嘔家之忌甘草者非通論也上行用頭下行用稍熟用甘溫培土而補虛生用甘涼泄火而消滿凡咽喉疼痛及一切瘡瘍熱腫並宜生甘草泄其鬱火熟用去皮蜜炙

白朮 味甘微苦入足陽明胃足太陰脾經 補中燥濕止渴生津最益脾精大養胃氣降濁陰而進飲食善止嘔吐升清陽

而消水穀能醫泄利金匱桂枝附子去桂加白朮湯

甘草二兩大棗六枚

生薑兩半附子一枚白朮一兩治風濕相搏身體疼煩大便堅小便自利者以

汗出遇風表閉汗回流溢經絡關節營衛鬱阻是以疼煩若小

便不利此應桂枝加附子暖水達木以通水道今大便堅小便

自利則濕在表而不在裏而水道過通恐亡津液故去桂枝之

疏泄加白朮以補津液也越婢加朮湯

麻黃六兩石膏半斤甘草二兩生薑三兩大棗

十二枚白朮四兩治裏水一身面目黃腫小便自利而渴者以皮毛外

閉濕氣在經不得泄路鬱而生熱濕熱淫蒸是以一身面目黃

腫若小便不利此應表裏滲泄以驅濕熱今小便自利而渴者

則濕兼在表而不但在裏便利亡津是以發渴甘草薑棗補土

和中麻膏泄經絡之濕熱白朮補藏府之津液也麻黃加朮湯

麻黃三兩桂枝二兩甘草一兩杏仁七十枚白朮四兩治濕家身煩疼者以濕鬱經絡皮

毛不泄故身煩痛麻黃湯泄皮毛以驅濕恐汗去而津亡故加

白朮以益津也此即裏水之證理中丸方在人參治霍亂吐利若臍

下築者腎氣動也去朮加桂四兩去朮之滯加桂枝益肝陽而

伐腎陰也吐多者去朮加生薑三兩去朮之壅加生薑降逆而

止嘔吐也腹滿者去朮加附子一枚去朮之閉加附子開癰濁

而消脹滿也下多者仍用朮以其固脫陷而止泄也渴欲得水

者加朮足前成四兩半以其生津液而去濕也白朮散白朮蜀椒川芎

牡蠣等分妊娠養胎以胎妊之病木寒土濕水氣鬱結而剋脾土則